



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Exercitium Divinum De Praesentia Dei**

**Arias, Francisco**

**Herbipoli, 1612**

De Aliis Mediis Vt De examine Particulari, & solitudine, & amore cordis.  
Cap. XIII.

[urn:nbn:de:hbz:466:1-50314](https://nbn-resolving.org/urn:nbn:de:hbz:466:1-50314)



DE ALIIS MEDIIS VT DE  
*examine Particulari, & sollicitu-  
dine, & amore cordis.*

## CAP. XIII.

**A**liud medium, valde vtile  
ad retinendam præsentia  
diuinæ memoriam, est Examen  
particulare, vt scilicet cùm circa  
meridiem, aut vesperi rationem  
exposcimus à nobis conscientia,  
id quoque excutiamus, an præ-  
sentem toto die Deum in actio-  
nibus nostris habuerimus, & si  
factum sit, sedulò gratias agamus  
Deo, quia singulare Dei donum  
est; ac proponamus nos idem  
accuratiùs obseruaturos diebus  
insequentibus. Si verò secus ac-  
ciderit, doleamus, & emendati-  
one propolita, pœna aliqua cul-  
pam expremus. Hæc enim pœna



96 FRANC. ARIAE EXERC.

& memoriam illi in posterum  
renouabit dicti exercitij, & vale-  
bit ad impetrandam Dei bene-  
uolentiam, vt negligentia corri-  
gatur, & maior progressus in hac  
virtute fiat. Sollicitudo inest ali-  
cui, exempli causa, ingens ædifi-  
candi domum; hæc ipsa excitat  
eius memoriam quocumque va-  
dat, vt illius non obliuiscatur;  
hæc facit illum somniare de illa,  
imò somnum tollit, tollit &  
cibum. Idem facit cura augen-  
darum opum, educandorum li-  
berorum, sanitatis conseruan-  
dæ, quando toto pectore eam  
suscipit. Haud secus, si quis ex  
animo sollicitus sit de obtinen-  
da illa collectione animi, vt De-  
um sibi statuatur præsentem, tan-  
quam admodum opportuna &  
efficaci ad salutem, & profectum  
spiritualem; multò plus, quàm  
exter-

ex  
tic  
qu  
ci  
m  
Su  
m  
cti  
qu  
en  
di  
vri  
on  
De  
cu  
Ha  
si a  
an  
ma  
ac  
cia  
est  
fit



externis signis, vel examine particulari, iuuari poteris ad consequendum hoc spirituale beneficium, vt nunquam facile è memoria præsentiam illã deponat. Supra omnia autem media & remedia, quæ præcipue ad hoc sanctum exercitium adiumento esse queunt, est verus Dei amor. Hic enim, vbi in serui Dei corde radices egerit continenter illum vrgebit & excitabit, vt cogitationes suas, piaque desideria in Deum præsentem conijciat, & cum illo assidue conuersetur. Hæc siquidem amoris natura est, si ardens sit, vt magno pondere animam transportet in rem amatam, quo vniatur cum illa, ac vnum quiddam cum ea efficiatur. Et quoniam anima suis est instructa facultatibus, hinc fit, vt semper quoque rei amatæ

E

re-



recordetur, semper de ea cogitet, semper eam expetat & complectatur. Qua de causa dixit

*Matt. 6.* Christus. *Vbi est thesaurus tuus, ibi est & cor tuum.*

*S. Bonau. in Myst. Theol.* Hinc sequitur; totam huius Exercitij difficultatem & laborem esse in principijs, donec anima peruenerit ad magnum Dei amorem; simul atq; enim amor possederit cor, facile & suauè est meminisse Dei, cogitationesque omnes & affectus in eum attollere. Atque reuera in primis initijs, quibus homo seriò incipit seruire Deo, solet Deus tantam promptitudinem, & gustum spirituales in hoc exercitio subministrare, vt etiam nouus tyromiretur, cur non omnes homines continenter cogitent de Deo, & amore in illum ferantur, ac non excurrant in vias publicas,

cas,



eas, moneantq; ignaros, vt recor-  
 dentur Dei; quando quidem tam  
 facilè illa diuinæ præsentia su-  
 uitas degustari possit. In hac con-  
 iunctione periculū quidem esse  
 videtur, ne tyro ille bonus præ-  
 sumat de se, ac in virtute longè  
 profectum, suisque laboribus  
 & meritis hoc beneficio orna-  
 tum se reputet; cū non sit: nisi  
 particularis quædam Dei dis-  
 pensatio, & suauissimum diuinæ  
 prouidentia artificium. Vt enim  
 tyroni DEVS adimat rerum  
 terrenarum amorem, & diffi-  
 cultates omnes fortiùs vincat,  
 quæ solent occurrere in diuini  
 seruitij primordijs, hanc facilita-  
 tem, & dulcedinem præsentia  
 diuinæ solet illi communicare.  
 Nam postea, cū animaduerte-  
 rit eum mundi amorem exuisse,  
 ac fortiorem robustioremque



100 FRANC. ARIÆ EXERC.

in diuino seruitio factum, subtrahit illam promptitudinem & suauitatem, quæ in diuinæ præsentia consideratione erat, ut adiuuante diuina virtute deinceps conetur etiam cum suo labore & difficultate comparare gratiam, quam initio nullo ferè labore erat consecutus.

Atq; hoc tempore admodum conueniens est seruum Dei non terreri, aut ab hoc exercitio desistere, sed magno animo suscipere in se labores, quos Deus ab ipso postulat. Nec dubium est, si persistat, eum beneficium hoc possessurum cum maiore perfectione & constantia, quod in principio nullo labore cōsecutus fuerat. Nam dum cum sudore perseuerat, & difficultate, radices agit humilitatis, & accessionem facit in amore Dei. Vnde fit, ut

ex-



excellentiore quodam modo di-  
 uinae praesentiae donum merea-  
 tur, maioriq; securitate & fir-  
 mitudine possideat, quoniam  
 didicit submittere se sibiq; diffi-  
 dere; idemq; maiori facilitate,  
 & voluptate exercet propter  
 gratiae copiam, & amoris in De-  
 um magnitudinem, quo cor su-  
 um obfirmavit, & perfectius  
 Deo coniunxit.

O felices & millicies beati illi,  
 qui constanter perseverant, donec  
 hoc dono locupletentur. O quan-  
 tum virtutum meritorumq; the-  
 saurum tales inuenere in hoc ex-  
 ilio. O in qualem deliciarum  
 spiritualium thesaurum incide-  
 runt in hac lacrymarum valle?  
 Diuina scriptura asserit vniuer-  
 sam terram optasse intueri vul-  
 tum sapientis Regis Salomonis, 3. Reg. 10.  
 multosq; e remotissimis a Ieru-



falem prouintijs aduenisse cum multo labore & difficultate, vt viderent eum, audirentque eius sapientiam. Quam cū percipisset Regina Saba, non dubitauit in hæc verba exclamare. *Beati viri tui, & serui tui hi, qui stant coram te semper, & audiunt sapientiam tuam.* Quantò equiùs, & rectiùs faciunt fideles omnes, qui anhelant ad cernendum vultum Dei, etiamsi nonnullo labore opus sit. Multò enim beatiore serui erunt, qui hoc donum consecuti fuerint, quàm illi Salomonis, utpote qui sermones coram cum diuina maiestate conferant, qui in intellectu suo diuinæ sapientiæ radios, in voluntate verò amoris cœlestis flammam percipiant.

Vocabat Christus beatos pauperes spiritu, mites, lugentes, esuri-

*Matt. 5.*

esuri-



esurientes & sitientes iustitiam,  
 misericordes, mundos corde,  
 pacificos, patienter ferentes per-  
 secutiones, atqui has omnes be-  
 atitudines solo diuinæ præsentiae  
 exercitio consequimur. Hoc fi-  
 deles fiunt humiles, & sui con-  
 temptores, omniumque rerum  
 temporalium; hoc exercet man-  
 fuetudinem contra iniurias; hoc  
 in se excitant odium in peccata,  
 & amorem rerum caelestium; hoc  
 excitantur lacrymae laudabiles  
 contritionis & deuotionis. Hoc  
 procreat perpetuum & viuum  
 desiderium fruendi Dei, diuino-  
 rumque bonorum; hoc promo-  
 uet ad exhibendam omnibus mi-  
 sericordiam. Hoc expurgantur  
 corda ab omnibus vitijs & passi-  
 onibus. Hoc pax magna & tran-  
 quillitas mentis obtinetur & v-  
 nio cum proximis impetratur.



104 FRANC. ARIÆ EXERC.

Hoc omnes efficiuntur fortes,  
constantisque pro toleranda  
cum patientia qualicunque per-  
secutione. Hoc denique in hac  
vita consequuntur gratiam & a-  
morem perfectum, in altera ve-  
rò gloriam, & fœlicitatem infi-  
nitam, Amen.



Exer-